

ՀԱՅՏԱՐԱՐՈՒԹՅՈՒՆ

ՀՀ կրթության և գիտության նախարարության
Երևանի ճարտարապետության և շինարարության պետական համալսարանը
հայտարարում է 2013/2014 ուսումնական տարվա *առկա ուսուցման ասպիրանտուրայի* և
դոկտորանտուրայի ընդունելություն հետևյալ մասնագիտություններով

ԱՍՊԻՐԱՆՏՈՒՐԱ

պարտադիր զինվորական ծառայությունից տարկետման իրավունքով

ԺԸ.00.01 Ճարտարապետություն – 2 տեղ

Ե.23.02 Քաղաքացիական, արդյունաբերական, հիդրոտեխնիկական,
տրանսպորտային և ստորգետնյա շինարարություն - 1 տեղ

Մրցույթին կարող են մասնակցել պետական և հավատարմագրված ոչ պետական բուհերի շրջանավարտներ, ովքեր ունեն բարձրագույն կրթության մասնագետի կամ մագիստրոսի դիպլոմ և հանձնել են «Օտար լեզու» և «Համակարգչից օգտվելու հմտություններ» առարկաներից տարբերակված ստուգաթղթեր, հաղթահարելով հետևյալ անցումային շեմերը.

- Անգլերեն լեզու (*TOEFL iBT*) - բոլոր մասնագիտությունների համար 54 միավոր
- Ֆրանսերեն լեզու - բոլոր մասնագիտությունների համար 200 միավոր
- Գերմաներեն լեզու - բոլոր մասնագիտությունների համար 60 միավոր
- Համակարգչից օգտվելու հմտություններ - բոլոր մասնագիտությունների համար 35 միավոր:

Դիպլոմավորված մասնագետի որակավորում ունեցող դիմորդները մասնագիտական քննությանը մասնակցելու համար ներկայացնում են մաթ. գիտական ռեֆերատ (առնվազն 20 տպագրական էջի սահմաններում՝ հրատարակված գիտական աշխատանքների, գյուտերի, հայտնագործությունների և գիտահետազոտական աշխատանքների մասին հաշվետվությունների բացակայության դեպքում)՝ մասնագիտական ամբիոնի կողմից գրավոր դրական գրախոսականի դեպքում: Նույն մասնագիտությամբ մագիստրոսական ատենախոսություն պաշտպանած դիմորդներից ռեֆերատ չի պահանջվում:

Դիմորդները հանձնում են ընդունելության քննություն մասնագիտական առարկայից, որը գնահատվում է 20 միավորային համակարգով: «Բավարար» գնահատական (8-12 միավոր) ստացած դիմորդը զրկվում է ասպիրանտուրա ընդունվելու իրավունքից:

Մրցույթն իրականացվում է ըստ մասնագիտական քննությունից ստացած գնահատականի: Հավասար գնահատականների դեպքում հաշվի են առնվում հետևյալ ցուցանիշներն ըստ հերթականության՝

- «Օտար լեզու» և «Համակարգչից օգտվելու հմտություններ» առարկաներից ստացած տարբերակված ստուգաթղթերի գնահատականները (գումարային ձևով),
- հրատարակված գիտական աշխատանքների քանակը,
- բարձրագույն կրթության մասնագետի կամ մագիստրոսի դիպլոմի ներդիրում գրանցված բոլոր գնահատականների միջինը,
- մագիստրոսական ատենախոսության կամ դիպլոմավորված մասնագետի դիպլոմային աշխատանքի պաշտպանության գնահատականները,
- միջազգային կամ հանրապետական ուսանողական առարկայական մրցույթներում կամ օլիմպիադաներում ստացած դիպլոմները կամ միջազգային գիտաժողովներում մասնակցությունը (զեկուցումները):

Ասպիրանտուրա ընդունված դիմորդներն այն ավարտելուց հետո պարտավոր են աշխատել ԵՃԸՊՀ-ում առնվազն երեք տարի՝ պայմանագրային հիմունքներով:

Ասպիրանտուրայի դիմորդների փաստաթղթերի ընդունումը կատարվելու է հայտարարության հրապարակման օրվանից մինչև հունիսի 3-ը ներառյալ, իսկ մասնագիտությունից քննության հանձնումը՝ հունիսի 6-ից 10-ը:

Դիմորդներն հետքուհական մասնագիտական կրթության դեպարտամենտ են ներկայացնում հետևյալ փաստաթղթերը.

- օտար լեզվի և համակարգչից օգտվելու հմտությունների արդյունքների բնագրերը,
- բարձրագույն կրթության դիպլոմի (2013թ. շրջանավարտները կարող են ներկայացնել տեղեկանք բարձրագույն կրթության որակավորում ստանալու մասին դեկանատից) և դրա հավելվածի պատճենները (օտարերկրյա պետություններում բարձրագույն կրթություն ստացածների համար՝ փաստաթուղթ նրանց կրթության համարժեքության մասին),
- հրատարակված գիտական աշխատանքները, գյուտերը, հայտնագործությունները և գիտահետազոտական աշխատանքների մասին հաշվետվությունները, դրանց բացակայության դեպքում ներկայացվում է գիտական ռեֆերատի (առնվազն 20 տպագրական էջի սահմաններում) վերաբերյալ մասնագիտական ամբիոնի կամ գիտական ստորաբաժանման կողմից գրավոր գրախոսական,
- կադրերի հաշվառման անձնական թերթիկ, ինքնակենսագրություն և չորս լուսանկար (3 x 4 չափսի),
- քաղվածք աշխատանքային գրքույկից (եթե դիմողն աշխատում է):
- զինվորական գրքույկի պատճենը (բացակայության դեպքում՝ զորակոչային տեղամասում կցագրման վկայականի պատճենը)

Ընդունվողն անձնագիրը և բարձրագույն կրթության դիպլոմը ներկայացնում է անձամբ:

ԴՈԿՏՈՐԱՆՏՈՒՐԱ

ԺԸ.00.01 Ճարտարապետություն – 1 տեղ

Ե.23.00 Շինարարություն - 2 տեղ

Ը.00.02 Տնտեսության, նրա ճյուղերի տնտեսագիտություն և կառավարում – 2 տեղ

Դոկտորանտուրայի դիմորդների փաստաթղթերի ընդունումը կատարվելու է հայտարարության հրապարակման օրվանից մինչև հունիսի 3-ը ներառյալ:

Դիմորդներն հետքուհական մասնագիտական կրթության դեպարտամենտ են ներկայացնում հետևյալ փաստաթղթերը.

- Դիմում ռեկտորի անունով
- Գիտությունների թեկնածուի գիտական աստիճանի վկայագրի պատճենը
- Հրատարակված գիտական աշխատությունների, գիտական հաշվետվությունների, հեղինակային վկայագրերի ցանկը և բնօրինակները (կամ պատճենները)
- Դոկտորական ատենախոսության ընդարձակ պլան
- Ինքնակենսագրություն
- Քաղվածք աշխատանքային գրքույկից (կամ աշխատանքային գրքույկի պատճենը)
- Բնութագիր-երաշխավորագիր աշխատանքի վայրից
- Կադրերի հաշվառման անձնական թերթիկ 3 լուսանկարով (3 x 4 սմ)

Անձնագիրը և գիտությունների թեկնածուի գիտական աստիճանի վկայագիրը ընդունվողը ներկայացնում է անձամբ:

Լրացուցիչ տեղեկությունների համար դիմել ԵՃՇՊՀ-ի Հետքուհական մասնագիտական կրթության դեպարտամենտ հետևյալ հասցեով՝ Տերյան 105, թիվ 2 մասնաշենք, 2222 սենյակ, հեռ. 58-05-41:

Ռեկտորատ